

安般移詩續鈔

敘

易有之書不盡言言不盡意然則聖人之意其不可見乎  
天有十日人有九品自非太上孰得忘言言而不通將求  
其類類情宛轉辨采滋彰心不謂而彌忘幾且通而還塞  
若夫久竹青甯之對須彌芥子之談東京耿介遯方術之  
駢枝齊魯儒書起神仙之迂誕自非識窮始素思盡元黃  
予同道情該練俗變蕉萃專篤思理不渝者則亦孰足與  
察比興之淵微較有無之極致矣漸西无名人法无孤起  
境觸方生並興而作詩若干卷續若干卷觀其比物連類  
餐潔茹芳騷人蟬蛻之心也迴視收思樂不忘本小雅明

發之懿也爰及夫交游贈荅存沒哀思儒林講肄副墨維  
誦之所攬蔓闐闐風馬歌鸞饒之所蘊藉汎而後應其  
出不訢則又九流之散言出賦家賈誼升堂相如入室所  
相與嚙嚙道真簡勺物沴揖讓登降禮樂以俟者也行春  
花藥言寓思於哀貽舉目山河獨撫膺於逝者朱干玉戚  
則端冕以舞清商激楚乃絕絃可知君之於此幾所謂持  
其性情不令暴失者乎莊生有言況乎昆弟親戚之警欬  
於其側夫昆弟親戚者其聲可識知其端不可思三復斯  
編庶幾脫落陶謝之枝梧含咀風騷之推激余乃於是擣  
首抑容怡凝悌悌憫勞不可理廢然以止者已光緒壬辰仲

春小長蘆社人沈曾植敘

安般經集目錄

詩續甲

徐柯墨寫牡丹數枝及行草書

東園十二韻

山雞行

春風

梅

龍女圖爲黃仲弢題一首

賒酒

租花

哭叔遲

慰移華學士左遷

三李君詩

謂希夷

訊李臺郎家梅花戲呈一絕

漚緜夜坐

次韻尊老陶然亭小集之作

雲海二首

看鶴銘

吳筠軒觀察年八十餘重游泮水索詩

吏不可爲

偶呈施均父

寄丁徵士一首

失題

安般集

詩續甲

芳郭鈍寔



徐柯墨寫牡丹數枝及行草書

乙酉

鳥哢欲呼春林塘未迴綠冰池寒尙擁花窖煙方續淡日

下東窗傾城曙芳躅春光青黯黯潭沲交枝玉磅礴想脫

巾禿翁東海曲

徐自署東海一老忠節公諱汧中子明亡不仕

繁華胸已淨久厭

凡卉縟風姿邈已緬生絹裁餘幅誰謂寸心妍朱顏似枯

木

小徐冰雪顏大徐槁松枝二徐工墨戲未若章草奇驚鴻  
斜復正瘦竹搖離披家國有餘哀何心垂文辭古來驚絕



藝往往遺世人  
际身久蟬蛻  
水殘山親哀  
樂隨所寓爛  
漫一寫真  
寂寥二株園  
玉骨已成塵  
惟餘奇者醉  
墨寶  
遺民掃除雪色  
壁剝落溪藤  
皴

東園十二韻

強學忘機者  
斯人政未忘  
散衙欣寂坐  
小立傍幽香  
林缺  
亭孤聳  
龕明月半黃  
池篁掃陰磴  
簷鐸語風廊  
小洞苔成  
字方邱石作  
床枯松穿檻  
入翠羽擇枝  
藏澹夕觀  
碁旨慵  
朝叩藥囊不  
知晏近市欲  
禮蓋居堂白  
日動幽興青  
春抽  
野芳人從謂  
蔬壤天與借  
蘭房削迹心  
還淨無營味  
轉長  
何論工柱下  
真欲老聲郎

山雞行

君不見青邱雪落何皚皚山雞赤羽大瑱腮腹背之毳生  
六翮昔何軒翥今摧頽餘丹漫欲舐黃爵籬閒決起搶榆  
槐當時謀取鵝雛痛呼曹啄粟成瓊瑰一朝紇干新凍裂  
危巢禿樹淒以哀嗚呼風力積不厚扶搖竟難待翰音升  
青冥來者可以戒何如十步一飲礪泉甘栖息山梁花雨  
覆毳毳

春風

春風十日未尋芳乞得閒曹作病坊時有鵲銜花一片空  
庭飛墮野梅香

言系  
梅

虬蟠鉞屈三寸夢醒香寒一枝翠幙遮風密密遊蜂也未  
曾知

龍女圖爲黃仲弢題一首

圖爲姚梅伯作

姚君挂腹餘一奇  
擣灑乃出天人姿  
洞庭蕭蕭風滿旗  
千山葉禿糾髮微  
凌波出浴氣森霏  
神女自著六銖衣  
急逢龍背且須輕  
夢雲笑電紛掣隨  
凝妝靚飾曜倒景  
驚鴻蹴蹋四圍瀾  
汗青琉璃口脂新  
賜水晶殿弓韉下  
罽扶桑枝東朝海宗  
西戴勝槩發陽谷  
昏瑤池有如赤松無  
特操隨煙升降將何  
爲荆公詩赤松亦自無特操上下隨煙何怪怪  
固知墨客偶游戲

託彼荒忽騷歌思倘令毗邪長老爲說最上乘定復稽首  
人天師朱顏玉面終古不可皺金骨一變天門開闔能爲  
雌我今亦作荒唐語蒼水使者在何許四溟毛孔不可攝  
波母之山天垢柱時台北久困兵事相持不決東皇虛擲八千驍玉女  
投壺頻復怒妙畫通靈百恠生錦囊收取黃初平君家雁  
宕第幾重幔亭張樂上有羣仙迎且攜素手朝眞去洞觀  
三淵收視聽何用腥臊戲赤城颯然彩伴追嬰嫿

賒酒

久拋鄉店梨花釀但覓長安麴米春試敕廚人斲龍鮓何  
妨老子漉烏巾能容白堊於吾厚未典黃衫不算貧更作

勝書供一醉接離倒著過西鄰

租花

兀兀牆東充隱身蕭蕭分得一叢春  
春猶駘宕頻籠火老更疏狂滿插巾  
小廡聊容高士寄園官不厭長公貧  
青瑯乞取東皇勝便喚流鶯與結鄰

哭叔遲

卜鄰湖上徒虛語校錄竹西迹已陳  
平生篆刻有耆好豪楮俄化爲煙雲  
風定軒中一迴首春禽格磔那堪聽

慰移華學士左遷

舉手不須向左指床浪指枯龜世上苓  
通棄去養空得善

耆機

三李君詩

徵君不可作人無町畦銅渾寫洛下松蘿落曹溪元風

一以逝桃李無留蹤惟有城東月長照玉河隄

李迎叔徵君

早挾奔騰氣晚饒礫礪節渥中千丈松天山一片雪談笑

鑿凶門收身成隱逸欲以不材全還肱壯游笈

李雨蒼都護

藤花落幽榭風葉拂虛幌中有澹澹人放目空翳障人生

亦有涯大化劇流浪挾冊駐朱顏誰知井丹狀

李尊客臺郎

誚希夷

希夷自入張超谷一枕瞢騰五百秋多事猶嫌開口笑浪

句束帛到林邱

訊李臺郎家梅花戲呈一絕

遙想梅花丈室圍外廚煙冷未晨炊詩翁老去風情在自  
汲銅餅養折枝

溫籜夜坐六言絕句

枯坐藜床六尺青繩一抹春煙此卽著身巖壑何須白足  
尋禪

不論夷吾江左無人能泣新亭只有老楸堪語挂著寒雲  
兩星

壯士龍沙已矣

邊將楊公玉科有平瀛功曾記其所歷軍  
事本末介人屬予序之今聞死綏關外矣

故人煖臂偏枯

謂雨蒼

平生劍客都盡李蔡徒垂曼胡

天甯醉割鴉首人自坐困壺頭關輔蕭蕭春色喚誰填石

東流

次韻尊老陶然亭小集之作

一洗馳驅十日塵蕭然野色界城闌何當七澤三江客同

作煙簑雨笠人散髻新辭郎署長

君將遂乞長告

華風重話玉關

春

均父自疏勒從軍歸

無邊物外真游適不待柯亭理釣艚

雲海二首

碧城空際雲成海崩嶺坡陀各異觀倘入雲中雲不見天

風吹霧著衣寒



溶溶雲綻碧天衣  
林影晨光遠入微  
若與赤松閒賭賽  
于乘風我抱雲歸

看鶴銘

偶來槭槭眠漚室  
臥看蕭蕭蛻鶴銘  
石泐紙癡煙霧駁  
幾行華月綴疏星

吳筠軒觀察年八十餘重游泮水索詩作三首

尙書持節碧雞鄉  
羣從清標奕葉光  
作草翩翩供內制  
含香的有仙郎隨園

南苑行騰紫剖竹  
西山傑閣蒼老去  
巢痕懶迴首惟思  
橫舍讀書堂

鼓篋名場發軔初鬢毛如鶴禿中書春婆舊夢天辭袞夏  
課新編手揭藥看竹閒搗藤策策放魚罷貫柳疏疏校官  
弟子銜重署新輩爭扶上筭輿

友人爲說阮公墩九叩櫺星石闕尊

昔在竹西柳賓叔先  
生年入十四丹徒學

官以重釋榮澤宮請先生不應旣而語予曰阮太傅重游  
之日以會典不著禮節爲疑命門生議之旋以校官前引  
在櫺星門外階上行三跪九叩禮某不審應在階次第幾  
級倉猝無人議之故未往也此一事可見前輩舉動之慎

治行吳公今第一風裁柳叟喜重論芙蓉鏡老春衫皺杏

樹壇高禮器捫留待八年鳴鹿賦

君王辰登賢書  
屈指將重賦矣駐顏法

酒醉千樽

吏不可爲

言續月  
朱墨紛紛動費旬空勞繫縛句文身不如一掣曹溪棒足  
下生駒蹋殺人

偶呈施均父

平生雅恥鶻生突惟愛蕭閒鶴在林萬里故人開口笑一  
官沈陸閉門深蟲魚生死枯竹裏雲月建除丹壑陰半斷  
松枝礪底綠春風無事莫相尋

寄丁徵士一首

稽留山下君卜築嚴子祠前我欲耕癭瓢挂林風歷歷煙  
艇吹火星熒熒抱材不辨越兼魯弓矢那知凡與荆可許  
陸皮追唱和松陵筮澤門閒情

失題

禹甸神皋孰與齊  
牧牂旋覺岱宗低  
雲生赤岸三山幻  
風起青邱七聖迷  
銅柱豈堪無一尉  
金城從古少丸泥  
蘭陵破陳何人奏  
縛取名王舞白題

詩續甲終

安般經集

詩續乙

階下海棠花盛開偶成一首遣興

輿中口占

路遇海光寺僧戲作

喜晤趙桐孫太守高仲瀛觀察有贈

次韻答桐孫見贈長歌

桐老疊韻以近事見嘲有修羅設會主賓倏聚之語

因復次韻答之聊附應閒之義云爾

陪錫尚書鄧鴻臚游賈家沽觀機器廠用前韻

謝李方伯送酒二甌

和周使君

旅窗聽雨

西沽泛舟

登西樓

卻掃

夜間吹角聲感異

漫興

謝人送羅浮竹扇江鄉枇杷二絕

寄仲瀛

江眺

簡同年張吏部

丁沽

憶定林寺

謁故人王璞臣令君祠堂

贈家敬孫通守

李方伯挽詩

喜雨

四月十九夜

一瓢

莫嘖



析津武備院故皇船塢之基址也新作高樓登臨慨然

合泚使相招夜讌卽席作

上榆園三兄

上義庭兄

留別仲瀛

西軒睡起

津門晤李尊老

寓館月季花盛開

津門曉發呈節使

偶題四言

朝陽寺小憩

安平驛遇雨

朱雲

和桐孫贈行之作卻寄

早發口號

將抵都門

東廨卽事

瀨上家書至報聶秀才亡感觸舊遊遂作一首書於

紙尾

憶昔一首

次韻答王逸梧祭酒

久旱得大雨曉坐漚篠作

逸吾祭酒來詩有一臺二妙之句因復戲答

均父遺我新作橫幅紅梅一株枝老葉硬氣勢蒼古

因題句其上

和均父

放歌答施均父

調朱鼎父

省夜

新竹

咏榼榼叟

偶然作

伯蘭宗室戲畫一驢一車一奴星作趨曹之狀意態  
栩栩劇可笑也爲題一詩

贈張廉卿

送梁節庵謫官歸嶺南兼寄潘孺初

題少司空徐公竹隱廬圖

送廉卿先生出都赴保定蓮池書院

贈徐亞陶

晚霞寄興

重九集聚花寺送逸梧學使別

移居老牆根漫咏七首

張季直捷京兆以詩賀之

均父太守以重九未赴聚花寺讌集詩見示因答

井泉

寄示從子觀瀾德劭古詩一篇

南村方古香丈先君行也年七十有八矣聞其尙

健詩以寄之

送張樵壘太常奉使墨利加洲長句三首

陶然亭西軒

獨坐

朱竹石提刑遠餉古逸叢書二十餘種作詩報謝

均父以前夕話舊感懷詩枉示因次韻

臘月十九日自典客廨中西軒移榻東館感觸偶書

絕句

逸梧學使蒞節三吳途中追述重九日崇效寺餞集

作古詩二章郵示屬當歲闌遠垂光寵酌竭蕪音次

韻奉寄

書東廨壁

安般篋集

詩續乙

芳郭鈍寔

村叟旣託友人詮次平日所爲詩得十三卷乙酉春暮  
作析津之游逆旅無俚傷時忡鬱翛然以斷縑枯竹自  
怡復戲編近作爲一鉢集村叟有從兄曰羲庭先生鉏  
藥引泉草山自隱嘗夢村叟老禿爲天目西庵老僧因  
笑語其弟曰汝二十年來一餅一鉢亦垂垂老矣復何  
求於世哉村叟敬應曰然有是哉此集名之緣起也光  
緒乙酉初夏

階下海棠花盛開偶成一首遣興

時在析  
津行館

八年蟄臥閤京國一日飄然忽東出  
蹋盡黃沙白柳隄兀兀征鞍去如失  
出關何處見春色鼓吹喧闐千騎疾  
巖城海市雜氛侵瞥睹名花轉蕭瑟  
玉顏嘆酒暈微頰金屋無風欺弱質  
紛紛蜂蝶不敢到那有花房引厓蜜  
何人避世海棠巢綠鬢方曄隱丸橘  
西紅海波雖稍靜東王公驍憤猶溢  
春愁浩浩鶻天地花氣沈沈侵卷帙  
卻憶王城三月尾妝林緬地情何極  
名藍極樂花之勝皆寺名大隄士女如  
雲出河山歌舞仗誰復餘生欲見開  
天日幾時歸約故人游花下狂歌倒  
千榼

興中口占



榆莢初齊柳未花  
九十九淀水平沙  
黃魚玉糝萸蒿短  
遙指青旗賣酒家

路遇海光寺僧戲作

八風吹汝閻浮去  
半偈曹溪日用新  
荷葉濺波終不涇  
桃花作飯轉成塵  
戴雙蓬累青山曲  
荆公引史記索隱以蓬累爲笠也今注無此文  
汲一軍持野水濱  
閒策瘦藤看落日  
何須更覓避秦人

喜晤趙桐孫太守高仲瀛觀察有贈

十年奔走各殊科  
一笑相逢鬢已皤  
莊語未能迴世濁  
危機莫使損天和  
東游欲泛三山棹  
北望誰爲五噫歌  
坐約使君張水戲  
萬人建齋伐靈鼙

次韻荅桐孫見贈長歌

異時浪笑劉原父能說山川胡敢侮空稱駁馬食於菟未  
返燕雲六州土南朝館伴蘇子由亦屈鏡材持作俎差幸  
平生賦茯苓林牙動色能誦數豈知時局與古殊伏卵雞  
材何必魯侏儒無復霸朝臣峨冠恥入文身戶況予執戟  
聊代耕那有雄談諸虎鼠軍諮浪逐雙星出郎選謬承三  
府舉鵜頭割棄天甯醉蝸角紛呶神欲吐可憐西海銜微  
木猶勸北平穀彊弩強持漣酒一頻顏誰識口中生闕苦  
天水郡將吾故人耦耕相招溺與沮囊穿餘智猶足辦避  
世一邱差自許安危自有謝文靖竊學羲之報周撫但道

田閒種果書約游汶領峨眉宇

原作

趙銘

昔聞乘桴歎尼父能治國家敢予侮纔看頰谷卻兵  
劫頓使汶陽歸故土後來嶧山斥儀衍小儒疇復堪  
樽俎誦詩專對謝不敏從政斗筭焉足數男兒墮地  
懸桑弧束髮便令讀鄒魯但教一出平四國終勝捉  
襟守蓬戶晏嬰舌詆荆國狗臧孫目笑齊侯鼠捧槃  
叱隨毛生歌擊缶書爲相如舉扶危須仗凌雲才袁  
絲懷抱向誰吐立馬恥食三品料射鰐思穀千鈞弩  
可憐時事益艱虞節錯根盤意良苦分憂未忘多壘

恥尋盟肯說登壇沮日中以爭至於昏僑吉相尤竟  
如許莫嫌島裔恣馮陵終仗 廟謀工鎮撫他時飲

至碧留犁一笑無塵對寰宇

重黎津門之投意思鬱鬱不自得故作此慰之

桐老疊韻以近事見嘲有修羅設會主賓條聚之語  
因復次韻荅之聊附應閒之義云爾

欲扶日轂鞭夸父幸免波斯買胡侮醉持服匿晚狐穴一  
片紅旂遮羸土既非四種阿修羅亦乏偶籛并奇俎千枝  
火齊燈如畫異草奇花紛可數蒲桃酒醅珍珠紅莫笑圍  
邯由薄魯座中蠻語一參軍萬里跼寫懷北戶世事轉綠  
更迴黃有似黔驢鬥梧鼠珠厓議罷躡捐之丁零欲案追

文舉強師苦縣欲爲雌肝肺槎牙艱一吐易州老守忽騰  
笑曷不張汝大黃弩狎虎如漚古有之使鴟嚇鵂毋乃苦  
荅言詘信非一塗茅靡偶爲時所沮康成差逃行酒辱陽  
貨聊復饋狔許驪提中含一切法欲喻先張掌還撫惟愁  
詩將戰頻挑迫窘幾窮皺眉宇

原作

趙銘

宰獻請安媒禍父佛狸乞酒遭宋侮誰呼下馬令公  
來銀杯在手爭酹土本無戎羯襲冠帶那有猛虎窺  
案俎琉璃割匕浸蒲萄條聚主賓紛可數就中鵜鰈  
嬉眷屬各攜犧象分齊魯錯疑妓樂合東山直鬥酒

兵吞北戶

爾雅四極之北戶卽古交趾

戶曹對此顏爲頰誰向鵷

雛嚇腐鼠一石能飲太滑稽千金爲壽徒豪舉朝見  
雨雲恣翻覆暮隨煙霧相吞吐熱炙甯隨襄主斗危  
機恐伏眉珠弩海鷗狎視雖無嫌童殺醉罰毋乃苦  
我笑英雄並兒女騷人豈爲壺觴沮修羅苟不弄戈  
甲設會無遮佛亦許況今聖人奏雲門西海鱗臣並  
就撫角上蠻觸何足論曷不返游化人宇

陪錫尙書鄧鴻臚游賈家沽觀機器廠用前韻

滔滔何以閱眾父利器深藏疇敢侮風后長聞工握璣媧  
皇今復陶黃土尙書胸有千甲兵堂宇雄深辦尊俎鴻臚

氣與嵩洛秋拈地掌螺紋可數東臨碣石攬滄溟北學夏  
峯化椎魯方今天發龍蛇機交州陸梁敞開戶塞河一費  
防穴蟻購弩千金思射鼠機春制拓杜預規旂動疏還賈  
逵舉風輪三十六鑪迴紫霧炎煙相飲吐公輪九距蹴旋  
梯葛亮連珠藏暗弩漫云禮失反求夷須識器師心獨苦  
諸君各抱籌邊略謂董其役者潘梅園吳薇  
隱雨觀察趙桐孫太守長轡甯爲邛  
阪沮手清萬里編尉候心在一邱協唐許劍池霜淬鷗鷁  
寒天廐雲騰渥洼撫會當洗甲挽銀河重譯敏關朝玉宇

謝李方伯送酒二黑絕句三首

壺邱心似涇黠灰靜看鑪煙戶不開豈料青州兩從事破

除禪病斬關來

使君昨夜醉如泥，差幸門無醉尉譏。更欲從公乞泉乳，剖

分趵突碧玻璃。

李官愿下最久

題糕簪菊作重陽，長憶公鄉老侍郎。

記壬申秋九在白下從吳竹如先生讌游

事

知否南宗一勺水，爲傾重碧漱甘芳。

### 和周使君

九衢塵涓涓橘枳，桂爲薪亦有野鶴姿。蕭然出風塵，吏能

絕精敏，餘事搜枯筠。始知守道者，不以俗喪真。何處非定

性，萬象皆爲賓。欲迴島嶼紫，秋釀作羲農。春君家九華，曲盤

根聳嶙峋崖。林張紫茸未，到發興神貽。我遘海圖一一襟。



喉陳袖中有渤碣眼底羅星辰看君笑談閒指撝狄鞮人  
功成拂衣去穿築溪堂新子騎琴高鯉予亦鳥角巾田里  
有至樂老作山中民

旅窗聽雨

蕭然一榻西窗雨兼送東鄰寺裏鐘今夜長安兒女憶數

耶獨宿潞河篷

予前日作書示家人云將泛潞河而歸

故鄉聽雨人都盡飛閣青林沒晚潮聊發少年狂意思海  
天散髮獨長謠

西沽泛舟

散髻陪勝流扁舟發孤興冥冥一川綠風木激清聽曲紆

大河合斗錯碕岸迸井落隨處成茅簁互陵映水南高敞  
地略約通一徑森然入武庫松陰覆蘿磴脩脩蒲柳黃晶  
晶溝港淨方塘可垂釣天光吸雲鏡奇景傑閣收一攬萬  
化勝到此澹忘機白鷗洗心性大制貴無割利器藏不病  
朝有杜武庫太阿斯握柄區區歐薛工瓊瓊浪譏評甲數  
水犀藏刀以定秦姓以之毒天下豈卽沈災榮欲迴東海  
濤瀉入流杯慳朱義行上道 玉燭神化凝而我樂歌呼  
芸生各安命超然作幸民何必句漏令隨處營丹沙千潭  
石淙靚逍遙六七公同趣應可證語龍舟遂迴招提裏煙

磬

登西樓

四月春猶在飛花落地輕曉看津渚白氣似越山清野色  
平分檻河流曲抱城無機成旅逸浦樹亦含情

卻掃

龜堂老子似偷荒卻掃無塵世慮忘風颭槐陰圓不定泉  
分井甃冽初嘗撐腸紫萸知鄉味敲眼青藤漏日光轉喜  
客中生事儉枕痕著面膝穿牀

夜聞吹角聲感異

角聲非徵復非商夏夜城頭秋意長既不聞佛狸吹脣動  
地至亦不聞垓下四面雞鳴歌抑揚又非漢女鳴葭十八

拍母乃大秦氣出唱嗚嗚酸鼻來股肱軍中自有鏡吹列  
雅樂胡爲乎兜離僭侏牛鐸干媧簧徒使青楓林深射工  
匿白目色淡山魃藏天池水怒盪營魄異魚出曝聽低昂  
放臣歔歔寡婦泣頽雲離披天雨霜蒼海無端岸自坼老  
夫不覺神內傷何人學禮向淮陽無復樓艦出句章六軍  
蟲沙同日化九關蠟蝨醉未央避風爰居亦何樂不如羽  
人腰筵去飛傍南斗開天閭竊聽鈞天一曲風浪浪

漫興

自笑平生履險巇晚來蜩甲翫枯枝夢迴猶作霧濤洶基  
罷都忘歷劫危沈陸宜僚瘖入市罪言杜牧蠶如絲樵風

敢乞東皇賜明發扁舟信所之

四明誰信客非狂物外應尋服食方  
珠樹幸無巢可泊金魚欲換醉爲鄉  
暫依玉節觀瓊島旋挾金仙拂石牀  
有約移家全入道  
華嚴海色泛清涼

謝人送羅浮竹扇江鄉枇杷二絕

羅浮道士縛青竹付與仙官作扇材  
脫手蘭陵祭酒贈虛窗松下有風回

回首家園樹樹金函封百顆久沈沈  
何人挂席筠籠致想見穿林摘露深

寄仲瀛

靜中每復思良友欲借山窗對榻眠素食無才濟時了元  
亭有約懣塵緣林園樂事誰能說濁世機牙豈所便待訪  
先生中隱處疏鐘隔水起蒼煙

江眺

弱柳黃蘆遠似齊人家高下占園隄河豚上市應美鱸  
燕衝波去復低岸接白沙晴漉雪田生蒼耳坼無泥祠官  
禱雨澆銀罍萬里無雲日又西

簡同年張吏部

倒冠落佩幸無嫌日飲亡何酒令嚴怯事真成齊客貧忘  
歸豈待楚人鉗公家霜戟門羅雀吏隱風流竹上鮎差倚

豪情鬥強韻不須綠鬢伴衰髯

君桐城人文端相國舅孫常獨居道院故戲及之

### 丁沽

丁字沽頭船不歸瓦南街裏帑忍饑恨無佳客同醒醉  
問金庭有是非吳下蠶眠桑葉暗漁陽龜坼麥苗稀老農  
淚入枯腸痛風捲蘆棚生事微

### 憶定林寺

何日雲山深處歸黃精剛取慰朝饑樵夫漁父同醒醉  
石室精廬少是非山雨森森黃櫨長江風浩蕩白鷗稀  
定林長老吾能識磊塊無言叩亦微

謁故人王璞臣令君祠堂

光緒初年率天津縣有惠政

平生講學今何處  
蹈海移山首重迴  
天末冥冥期獨往  
鬢毛故故畏相催  
東方一士蒼顏古  
岱竹孤生鐵笛哀  
碑石未礪先墮淚  
那堪衰疾更登臺

予欲撰君事蹟作碑未成

### 贈家敬孫通守

層城歌吹喧華屋  
魚鑰朝開夜不訶  
獨有韋公懷自抱  
夢爭漢室近如何  
衡門對霑他年約  
碁局中心積恨多  
白日幽州雙鹿麕  
煙波甫里一漁簑

李方伯挽詩

君諱元華六安州人同治初佐今相國李公勑立淮軍著有勞績後坐事免官

幾日萍蓬數面親  
電光收取剎那身  
飛觴北海泓崢座  
送酒東籬澹岩人  
榮落苓通眞可棄  
蜚騰戰伐夙如神  
短衣



射虎俄陳迹不用人間醉尉嗤

喜雨

四月十九夜

坐視焦原劫龍神社鬼瘡今宵逢快雨灑潤到園林氣挾雲雷戰仁知天地心無田吾亦喜破睡盼沈陰

一瓢

一瓢一笠醉騰騰行腳前身食肉僧莫學支公心不淨林和一念逐秋鷹

一笠騰騰又一瓢殘山賸水日蕭蕭思量更折寒蘆渡卻被浮槎阻晚潮

莫嗔

詩續乙

五

莫嘖詩老陸龜堂

放翁先生以名其居

只其漁樵說短長日鑄半甌

南埭汲風漪八尺北窗涼何人追論維州沒誰復推誠悉  
怛降無物眼前供一笑殷勤紅藥繡階香

析津武備院故皇船隲之基趾也新作高樓登臨慨  
然敬述一首

樓船親御憶

仁皇習戰昆明事未忘長遣駿圖懸應格勿令龍岷翦爲  
荒市聲脰激浮煙霧閤勢飛鳴倚混茫待看相公擣白羽

汗流鞭石會成梁

弟四句用郭景純語

合肥使相招夜讌卽席作

氣鬪扶桑早挂弓  
清宵開閣幾人同  
初筵絲竹凝雲遏  
列校麾幢蓋海紅  
分陝黃圖長拱北  
伐宛赭汗又徠東  
還持酌地銀杯灑  
一遣諸蕃拜令公

上榆園三兄

山樓環翠瞰平沙  
背郭臨溪路入麻  
卻憶清明楊氏鴈  
酒船滿插杜鵑花

上義庭兄

書來新作白茅庵  
汲水樵童時兩三  
大布爲裁衣一領  
山中苦笋約同參

茅坪耆舊彫苓盡  
鄉曲兒童日夜新  
惟有繡峯迂趙叟  
還

應說著遠游人

留別仲瀛

海光寺外藍田水，綠淨沙明玉不如。  
茲水命名良不妄，故人抱疾得幽居。  
胸中一粟九雲夢，袖底三年雙鯉魚。  
何似孤山茅一把，臨磯對築小精廬。

西軒睡起偶成絕句

無心危坐學黃庭，門外煙檣接遠汀。  
睡起西園春已去，卻看飛絮度風櫺。

津門晤李葦老

時棄官來主  
問津講院

浩浩津沽塵似海，斜簪散髻又相逢。  
身如華表千年鶴，心

在雲門一畝松已薄東方高祿隱還同元晏帶經農後堂  
猶欠張絲竹待擷菖蒲花紫茸

寓館月季花盛開

客邸無聊酒偶中鄉園春盡落花風饒他爛漫紅千朵不  
及酴醾玉一叢

津門曉發呈節使

杏未肥黃麥未秋微雲遠樹迂行騶路逢隻堠兼雙堠村  
喚晴鳩雜雨鳩笳鼓訇天蒼兕譟旌旗獵地赤鷹愁此曹  
何似南征用一谿籌邊

聖主憂

偶題四言

日中一食桑下一眠行時一笠坐時一氈不蜚於天不蜚於淵老師柱下炳燭陳編

朝陽寺小憩

潭底黃榆綠更濃過橋煙破一聲鐘偶然敷席西齋坐來倚東林寺裏筇

翻翻高蓋弄新荷散作珠璣拂水多恰似道人忘入定隨機所得是天和

安平驛遇雨

雲氣離披稍出村西來雨勢欲翻盆行人莫惜霑衣溼待

看平疇綠滿原

極望滂沱天四圍  
龍東翠葢溼金鞵  
就中一箇狂標格  
戴笠山人雲滿衣

朱雲

懷抱鬱鬱向誰開  
頭白朱雲豈吏材  
此行直爲觀滄海  
塵起西風障一回

和桐孫贈行之作卻寄

幾年遲我飛霞佩  
何幸霑君玉色醪  
世事不須煩一呖  
咩那復夢三刀  
蘇卿且恥牛爲從  
王令頻嫌馬作曹  
但願雲龍相下上  
不辭汗漫躡盧敖

早發口號

欲問征夫路蒼茫望不分連林翳朝霧禿岫隱頽雲

此仿唐人

句法上句寫景下句借喻如微陽下喬木野燒入秋山扶藹度陽燄窈窕一川花之類

麥隴晨光潤

茅簷野語聞倦游逢荷蓀力穡媿君勤

將抵都門

鳳城佳氣隔雲殷指點樓臺杳靄閒林外孤村煙外寺迎人一抹翠微山

東廡卽事

雨餘屐齒印蒼苔又見紅葵帶露栽午枕風軒逃暑去晚盤雪藕斲冰開魏侯抱梗眞爲累魯國剗皮待被災寂寂



散衙清似水笑看行蟻戰枯槐

瀨上家書至報聶秀才亡感觸舊遊遂作一首書於

紙尾

山中故人日彫落招隱祇聞猿與鶴溪水遙憐咽晚風喪  
珂今已薶蘿壑卻憶舊時巖下游夕陽沙際盪輕舟捫苔  
石壁千尋上大厯題名百字搜危松煙深鸛雀語古洞徑  
絕龍虵愁此時載酒傾崖下風捲驚濤兩岸秋樵夫漁父  
拍手笑古人佳句今人收同游檢點今餘幾江水潏潏日  
夜流

憶昔一首

憶我七歲時辟穀方浪剽胡麻與黃獨飲水空腹噉妄言  
人世幻囚拘念輕矯偶登白茅岡撰杖嚴君詔開口成

五言曾索霽顏笑九稔賦楊梅強楓廣平調頗驚長老座  
似謂天機妙十五補諸生兵亂旋吡噉此離阻晨昏燔掠  
傷邱廟十八痛苓丁鮮民疇辱弔折翼失危巢摧松有枯

薦窮年走荒野轍迹雜屠釣二十二時天牖鑿混窳從

師艤江湄訪友陟海嶠德人高

伯平先生劉融齋鍾子勤先生

瑩燭

附龍曜始悟廿三前不祥人孰療舊將棄瘕垢漸欲探幽

窆導山鰭三條杭壑源四微力弱涉逾艱意奢獲常少淺

鑒自謂深鉛刀恥出鞘薄醪自言醕難供知者嚼冥冥但

孤往疊疊抱微照積毀笑冥之浮譽頭亟掉正道出微茫  
理策窮窅襟世緣輒然和誰沃陸渾燒百途付苓通外物  
迫煎爍苟於得喪明甘守蓬與藉求仁道豈遜積學規徐  
肖焉知二十年生事困難料羈淮無宿春游薊冷炊銚坐  
落塵網中如綫自縈遶阻予孤柱懷頑鄙時自誚竊食慙  
尸素感時徒辦標朝隨雛鶩餐夕類屠沽焦落拓竟無成  
前修誰復勸室中稍羅列圖籍氣深縹簷榆覆疏疏園石  
植稍稍以予顛眊疾舊業廢誦敷晨饘動達午夜寢恆至  
卯浪送一日光甘墮十年操古言雖插架捐學久傷菴有  
如佳客來拒絕疏饗覘主殊負客意族庖無美脯學治有

丹經不能舉其要用戒予志荒毋爲小儒擎朝華悼浮榮  
淵默啟神告初服期返吾世羅勿輕嫵誰舉鴻鍾撞一洗  
蛙鄭調

次韻答王逸梧祭酒

前朝漢聖推貢父辯如歐九猶遭侮自庵老人誤續刊那

知劍氣薶黃土後來宗匠復誰數長沙祭酒操鼎俎

周自庵先

生治漢書日積札記至數十卷君繼爲之愈積斂無涯矣

中郎獨斷恣爬搜衛宏舊儀

紛誦數閉門不出動經旬經獄斷斷剖齊魯客來削啄長

鬚噴公方赤足鍵兩戶丰生皴漆禿干婉詞決嫌疑磔餘

鼠夜深百靈下窺瞰禮器西轡隨聖舉

劉舍人嘗夢手執丹漆禮器隨孔子

西行昨與散官角強韻羊酒坐邀雌款吐喻山不免喫藤條  
小陸何煩張硬弩歲月如流眞可惜借璫耗奇意良苦眼  
中擾擾昨暮兒章甫甯爲庸俗沮發攜舊史且策勳陳古  
刺今聖所許蘭陵將復爲老師五丁開山掌應撫願從橫  
舍抱遺經一發天光游泰宇

君服闋來京將復爲祭酒於是長成均五年矣而不得遷

故戲語云爾

### 原作

王先謙

下邳橋頭逢褐父淮陰乃出少年侮吞聲詘節化侯  
王從古高材出泥土爲郎執戟非不達况復折衝預  
尊俎但令豪髮裨

國家世態低昂焉足數多君文章富匡贊欲變蠻夷  
用鄒魯邇來天意轉蒼茫坐見藩柅隳北戶戎心狡  
啟窟營虎將略空夸穴門鼠清談晏坐彼何人鉤撫  
微細徒毛舉紛紛梁肉盡一概鬱鬱胸膈何由吐名  
章俊語發道妙洞微有似札穿驚萬象皆賓綠性定  
一餅垂老知吟苦昨陪使節析津遊事秘莫知高論  
沮歸裝賴有詩卷壓不負此行差自許朝衫莫學宏  
景挂朱弦聊爲鍾期撫較量千古定誰賢仰慕青天  
豁眉宇

久旱得大雨曉坐漚篠作

地坼塵駭人圍竹作龜焦長夏生物盛如何含枯彫前日  
汗流席六合氣爲霽昨宵阿香怒輓蟄雷車搖滂沱雲四  
垂勢若捲春潮甘霖疾傾注玕珥喧庭蓊曉來開戶觀階  
下洪河漂其深可垂釣溟漲擲一瓢槐作新葢翠俯仰若  
相招蜀葵自矜寵離立呈舞腰雛雅浴毛嘴鬥白鷺風標  
蒼滑不可步荒池緣紫綃我知四野外農圃樂意饒未得  
餅餌喫黍稷弄新苗卻防我屋破檐溜嗽且驕紙幕或穿  
洞古籍愁頻澆閑官飽白粥四壁日蕭蕭戲作野菜羹以  
爲龍鮓調未知所止泊且付新詩謠

逸吾祭酒來詩有一臺二妙之句因復戲荅

與公卜鄰朱鼎父漂麥長遭女隸侮撐句典禮並寒菹氣

挾天瓢傾耗土充然瘦李出東州

謂尊客

百代腰胸入雕俎

淡言日出皆玩世時得莊語榮可數二妙公能羅致之那

更捐書數伯魯頻年筴漫羊亦亡堪笑居庫蝸戴戶卻看

桔槔時衰王傾倒世情爭腐鼠世士頌說國多儒方屨員

冠互標舉一朝槁葉戰商飈剽盜虛名神所吐方今起陸

伏三機四裔狙挾含沙弩濟時待卜真儒出權制誰知國

工苦湘鄉典刑不可作起衰勿爲流俗沮何用蟲魚自困

曾公詩男兒讀書良不惡胡爲文章坐束縛何吳朱邵

神不知羞排日肝腎困鋌鑿丈夫求志動渭莘何用蟲魚  
允酒後每喜誦之璵細知非前輩許挈之大道賴有人勿



使樵夫工掌撫願聞眾妙歸一陶拾級同游六經宇

原作

王先謙

枳棘叢中走樵父海棠獨笑誰敢侮

用東坡詩語

春風籬

落見標格不與凡材爭息土李侯長安作中隱廿載

高名溢觴俎閑居氣壓萬家侯僕邀諸曹那復數先

生羈縻意不樂頃亦遲遲思去魯文壇二妙世所稀

不放銜書入天戶固知得失互盈絀幾見鷓鴣甘腐

鼠自庵老人負經沛壯志肯隨黃鵠舉天公故遣疾

相纏妙理高文坐傾吐小儒侍側竊餘論力薄焉能

張勁弩未忘端木山梁哀頗學堯文霜月苦齒牙獎

成塊踰分欲發狂言色先沮有田便歸吾計定年少  
拏雲漫相許盛衰貴賤不足較近事澄觀掌應撫絲  
能日飲更無何問道時思就衡宇

均父遺我新作橫幅紅梅一株枝老葉硬氣勢蒼古  
因題句其上

芒屨蹋破天山雪那有梅花宮樣妝偶作疾風吹雨勢賴  
虬鱗鬣照橫塘

詩人氣挾酒如龍萬里河源早洗弓但有剛腸迴屈鐵那  
知秀語鬥輕紅

離合萍輾十九年一流將盡故依然此花解脫冰霜劫香

徧華嚴卅六天

和均父

君懷雲氣漫穹谷我似沈鱗觸凍層稍出枝言驚俗眼興

酣逸筆殺溪藤

君連以畫梅  
大幅題贈

燈昏夜雨雙蓬鬢閣滿松風

寫曲肱他日小文煩點定吟安一字更誰能

放歌答施均父

憶昨湖上居世事百不通麗陽開茵閣飛橋瞰長虹連牆  
各自具風氣天與兀傲忘人窮君頤髭未生我少顏方童  
登山捉貔虎入水搜虬龍有時穿林著屐叩巖洞欲訪隨  
煙上下之赤松飢餒古殿寫佛語石龕驚走山精宮夜登

北山月落湖水黑  
藻荇粘天溼  
天容砒然長嘯百谷應  
自響  
漁火零亂忽出蓮花叢  
爾時百事自謂能鑒淺氣與江  
流東豈知崎嶇浪走二十載  
嗒然城南雨禿翁施夫子君  
持綠玉杖西尋雷翥海我落諸曹  
囚雞栖竟何待技成空  
有屠鯨手涉險幾遭羣蟻醢  
旣不能作陳子公蒙街傳送  
到支頭復不能作申屠蟠  
架樹傭耕匿文采攜示崑崙邱  
上雲一囊癖好晚餘文字在君  
今頭白我早衰  
濩落都下重攀追  
平生匈臆暫披豁握手相見無  
濟離丈夫身在要  
經世豈隨流俗俯仰爲感君鬱鬱  
梁棟具笑我棲棲蒲柳  
姿施夫子鳳不遇丹邱露零竹花  
實龍不值岱宗灌壇雲

起時且須齋養濯靈府餐六氣而樂朝飢鏘鑠造化者孤  
往不以外物矧肝脾何如十頃之陂一畝之廬臨碕穿築  
種樹鑿渠翳以篋管林於被以蹲鴟雕菰杉松離立若議  
禮大臣冠切雲而左右趨荷葉嫣然若紅妝翠藻啟皓齒  
而弄明珠春弦歌而秋獵漁左圖象而右詩書觴豆堯禹  
襟袪黃虞含德所被爭席卜問飢兀兀兮飽肱肱夢則御  
長風之寥寥覺則攬白日以舒舒與木石同壇以鹿豕爲  
徒餘丹及雞犬樂道偕妻孥噫噓痛世喪道矣道喪世曷  
不歸來乎先王之遽廬六籍之元都釋智遺形而與子同  
游于物之初

調朱鼎父

時君方草順天府志坊巷考

都城一炊費白玉不噉花豬轉醫俗年年竹筍賤如荻呼  
奴曉致蒼龍束先生每飭常不足齎已恫眎生民毒揀時  
妙理漫塞胸無所發言嗟世濁坐令餘技搜方志長安六  
街粉綺屬箭張酒趙削不收米祝花劉希見錄壁空四立  
烏皮凭長物惟有壁經牖夜來風急雨如縑欲捲紙閣茆  
三層先生時作橐駝坐宅神巷鬼不敢憎故遣老槐張翠  
幔洒然三伏遮炎蒸此屋得編坊巷以君故君不聞汲族  
多緣長孺升

省夜

秋林夜黑鵲驚枝殘鐙熒然蝙蝠語攤書兀兀人籟寂飛  
蟲打窗似風雨

新竹

白業問三車書齋陋少花猶餘一枝竹解籜慰貧家

咏籜桶叟

心似萬年古井身如絕巘蒼藤食罷鱸薰一炷夢中三爻  
飲曾

偶然作

目不睹介邱高耳不聞雷霆奔塞其眾細流以歸一原尊  
捐滌曹耆好節序忘寒溫鉤鱗出增淵鰈翼下重雲深之

又深而能物斂之又斂而能神君不見隆冬閉蟄槁落彼  
萬象忽見艸木怒生一花含一春非至媿惡乎成萬物之  
實非至靜惡乎發天地之仁

伯蘭宗室戲畫一驢一車一奴星作曹之狀意態  
栩栩劇可笑也爲題一詩

暮投蓬蒿徑朝驅金馬門意惟東方生兀傲不離羣一羸  
鼃跛足一車風吹帷亦有劉更生市人擲掄之毋謂車兀  
兀寒酸到人骨毋謂車中人勃窣非理窟寒則冰生髭喝  
則悶瘖瘖插版尻益高捧囊腹恆飢有時懷孤往豈徒困  
黃衫乘虛跨綠耳造化日鐫鑿胥靡彼何士釣築化龍虵



脫輓笑奉春租車嗤哇夸要知天下事萬端待經緯豈彼  
高車客尺捶足起痲迹有賤者紉智非貴者信四序亦相  
嬗恃圭璧汝身析糠以爲典名理洞窅奧大地以爲軒愷  
梯神所勞黔首此託命慎勿薄羣羈御者恥求去一笑姑  
寘之韓公亦有言味薄差自幸心之潛也天得內觀其性  
被褐不爲損三公不爲加浮浮長空雲且復窮幽遐慎毋  
落吾事君觀此謂何捨車去相語所得託已多

贈張廉卿

雞籠山下十年別已是蒼顏白髮翁世變驅人戰冰蘖古  
心何日放昭融朋游寥落存差幸

幸未壬申間白下所見  
若吳竹如侍郎戴子高

詩續乙

毛

張嘯山劉肅父恭父諸  
文學今皆下世久矣

文字沈冥癖偶同年輩推排到耆

舊欣看一鶴蹋塵紅

送梁節庵謫官歸嶺南兼寄潘孺初

人閒得失付雞蟲欲斥豨苓覓國工  
剗彼災皮求道適乖  
於時命覲天通自慚繫縛形骸內何似銷沈文字中  
欲語  
海南潘孺老卻從何處望冥鴻

題少司空徐公竹隱廬圖

公昔簪筆承明廬金庭列燭治官書青山澈上不可到  
心  
欲獨往夢蘧蘧冷風忽送得異境勝曰竹隱堪逃虛覺來  
潭洞失所在但憶石屋藏綵笈珍禽穿林翠毛羽恠石陸

谷雄牙鬚長安何處得物外陸海塵漲吹檐車十年位望  
致通緜老厭玉帶懸金魚籌邊指畫赤縣圖驚吏抱牘階  
前趨墨朱束筭紛滿眼情傷百變艱爬梳謝公碎金善付  
物亭決疑滯無留餘終然志在一邱壑吳禦城南天下無  
童時釣游沙岸塌誰買煙艇穿菰蒲森森惟有手植竹梢  
雲淖約臨清渠公家楚金箋詰暇招隱卜築窮朝晡海中  
石龕勝夙夢追攝煙景生綃幕張之京邸雪色壁寒玉干  
挺蒼不枯南垞北垞寄息壤對此聊釋形神娛達官更事  
時所倚方欲折箠笞羌胡汗青建取不世業移山填海精  
誠攄豈如山澤一臞儒青鞵布韞狎春鉏功成辭爵拂衣

去更向君王乞鏡湖

送廉卿先生出都赴保定蓮池書院

世緣沈濁不須論  
喜見寒溪老宿尊  
偶杖青藤憩京邑  
還歸白社息歔煩  
竹花霜重無佳實  
松塵壇高有至言  
我亦蓮池舊游客  
磯頭釣石喜長溫

贈徐亞陶

七十爲郎執戟身  
閒調粉墨門輕勻  
騎羸不與諸曹共  
背賊偏於傲吏親  
試作梅花嘯寒雀  
飽聞天馬出風塵  
紛紛竿牘何勞數  
蕭瑟途窮一寫真

晚霞寄興

乙酉仲秋作

西山危磴坼鳴湍喬木彫疏惟石盤忽見餘霞成遠彩還  
從城闕射林端秋光爛漫無多子物象蕭條嗟已殫縱倚  
丹楓迴晚景誰知野鶴警天寒

重九集棗花寺送逸梧學使別

招提眷隱樹蔥籠城缺幽蹊曲處通銜岫落霞穿檻入飭  
盤秋果舉杯空使旌南閭推名宿妙墨西京接鉅公一去  
湛盧迴紫氣明年勝會望江東

移居老牆根漫咏七首

丹楓烏相江頭路買宅歸歟久浩然多難枝官何所補少  
安泊宅且隨緣但期容膝輒支榻令我忘言魚脫筌最愛

城南瘦沈句三車白業五車

子培前年移居詩云然

獨往平生蓄此心生憎疲馬溺泥深求師幾杖扶持力逃  
谷還求寂寞音坐具不嫌無長物幽栖終愛傍青林造門  
檢點期佳客梅尉揚雲枉見尋

憶昨辛壬璫尾餘墓田丙舍意何如龍荒舊劫誰同話虎  
落新編更卜居池上雖輸履道興樽前且抱猗玗書先  
公故物猶堪譜悵觸殘編乾白魚

耆舊蠲吾客與勞金門何異翳牆蒿潘子長鳴海鶴去

初

李侯朗鑒孤雲高

尊客

槁梧獨倚巖居士

鹿溪

石壘相貽王戶

曹

弟卿

竹根判得同醒醉白社風流亦足豪

種樹前人綠滿廊  
更容老子此移牀  
結鄰大好依蕭寺  
廢學無心覓鄭鄉  
佳節徒箋野菜譜  
新霜喜近菊花房  
更看秋色窗光透  
槭槭疏林欲變黃

不厭清貧生事微  
竹書奇字結煙霏  
筆乾澗有碑礪  
椀琴裂穿存玳瑁  
微石闕秘收厓谷  
怪研池清得水雲  
機亶洲

叢刻勞相餉有客新從海外歸

時友人以日本古逸叢書見餉

久客兒童漸長成  
驅雞覓栗聒柴荆  
稚松蓋已如龍爪

下階

有松長不掩尋而偃蓋扶疏其狀甚古

奇石形還似弈枰  
句律猶輸孟東野

功名何必李西平  
地偏喜得天光大  
任運騰騰判一生

張季直捷京兆以詩賀之

草檄論詩挾二奇雞林海客已聞知論交孰是腰忘帶發  
解眞如頷摘髭雅志終期耕谷口浮榮翻畏震京師官家  
正倚經生用遠業勤修更不疑

均父太守以重九未赴棗花寺讌集詩見示因荅

初言騎馬尋蘭若旋覺先生不出游落日銜山已催客新  
篇破睡枉相投憑君目若營四海笑我身將棲一邱顏色  
如公能少壯丹沙何用覓羅浮

井泉

井泉誰所鑿用汲媿吾須弁侈穿同賈

賈傳在長沙日穿井弁口侈腹如壺

芳甘品憶朱

竹垞先生南齋被黜後移居下斜街詩云一事新來差勝舊昊天寺近井泉甘今無此寺



勝呼傭修水筒

借作徒弄切

課婢實風爐一勺

君恩在王人受穀俱

寄示從子觀淵德劭古詩一篇

我少與而翁讀書晦巖村撰杖 巖君側咿哦窮朝昏秋  
攀柏子實春臥桃花根朝參熊鳥戲夕眺牛羊原煨寒山  
僧芋斟暖田父盆白雲爲我廬溪水淨心魂世事百不知  
意適蠲疲煩誰知不十年荆棘荒頽垣亂離 先德殞痛  
毒難具論氣象早摧塌食息強墮蜉蝣書堂已瓦礫舊宅亦  
遭燔諸兄忽成翁頭白非朱顏我游學杭滬去鄉違故園  
登高望丙舍淚落濁酒尊雖挾風雲氣而孤詩禮恩兒時

受句讀十憶已九  
謾書局就齋鹽挾筴稍縛溫驅我寒與  
飢南北疲趨奔心力日彫耗壯圖謝騰竊金門竊微秩孤  
立失揆援銷金鍋無資炊玉甌有塵慶弔費日力墨朱紛  
批根圖書懶占畢疑滯少平反老我與諸兄世網嬰艱礪  
齒髮漸豁秃手腳易瘰皴羈孤多廢學迹往悔莫捫欲收  
炳燭功期踐過庭言況爾年裁冠養嗣始翩翩詩爲吾家  
事修辭質宜存六藝乃根柢九流亦條繁沈潛雅兼故采  
擷史與彛異葩同一實學治乃合源大小器各適致用道  
彌尊隱則自娛嬰仕期風俗敦砥華無過樸導轍始達門  
汝學補我愆詩書急藝殫外物不可必澹薄信所惇土木

被緋紫視肉譏陋惜氣質不變化不如蒲盧仁戒之在積  
累寶此昏與晨吾質樗且鈍倦想寂寞濱刷嶺構月榭面  
江開風軒縛茅五百弓披牘三千番引泉黃精圃架石紅  
藥欄伏臘追親舊春秋讌雞豚退編樵收伍卜與麀鹿鄰  
雅愛元漫叟真風絕塵喧州舉付兒輩誓畢嫁與婚息心  
栖崖尸黜明御聰輪安能隨詰屈墮埤輶籬藩汝志勿蹶  
俗抗心師老先將歸課汝殖蕭散忘寒暄對我袖中笈索  
我笑口听山林皋壤閒策杖發興新人生貴適志養拙康  
世屯

南村方古香文 先君行也年七十有八矣聞其尙

健詩以寄之

四朝老諸生行步及距虛下山噉紫芝上山赤松如神光  
射牛背邑故詞百車試署行義年八十尙有餘路險心太  
平面皺還丹除曾爲黃石侶授我一卷書材薄孤公意凌  
風問何如

送張樵壘太常奉使墨利加洲長句三首

海外波濤爭長雄煩持龍節去和戎應傳陸賈新編語豈  
比張騫遠鑿空呵護好憑蒼水使眞除再入黑頭公君去  
常少川爲大順廣道今復應教海國知寒暑不與徐陵帶  
蒙恩以四品列卿候闕  
熱同

二

公道撐犁八部推國基新造亦奇哉名王崛起西牛賀

默深

先生以墨利加爲卽佛說西牛賀洲居四天下之一

天使爭看東馬才野祭蹠林移

舊俗異花瞻荷得新栽璽書銜出明光殿文字威儀絕域

開

三

出入黃圖擁碧幢復膺妙選使名邦意輕絕島程三萬望  
重連城壁一雙握槩懷鉛猶手校忘年投分欲心降待公  
還日陪遊屐泉韻西山漱玉琤

陶然亭西軒

饒得蕭寥趣天然粉墨圖智安交養也水月客知乎野色  
侵城斷嵐光入望無冥冥南去鳥秋影獵平蕪

獨坐

虛軒受月多直訝住煙蘿窗竹上疏影暝禽依靜柯官貧  
稀物累地僻少人過欲索楞伽句忘言遂廢哦

朱竹石提刑遠餉古逸叢書二十餘種作詩報謝

朱君氣崛奇志欲清海寓上書展言事筆挾千金弩夜光  
遭按劍浩氣終不腐奴隸視尸居朱紫安足數更事目力  
衰憂憤披肺腑李翺寫幽懷杜牧原兵府去年特蒙

恩召對碩人候大府疑乞留玉帳佐禦侮還權繡衣節糾

察肅行部一鉢餘鹽齏千村罷桴鼓平生文字性耆好六  
籍古公暇追韓豪金石工擊拊猶憐孟澤陽微秩老倉庾  
爲致青琅玕光氣排闥戶古心餉冥冥俗學矻矻詩史  
草堂箋地形寰宇補一卷苦縣遺墓本壓石柱莊荀及簡  
韻流別形聲乳其餘資游息根角粲羅縷斥公百宋塵華  
予五星聚吾友楊景度下筆鵬刷羽是書楊心物兄守敬  
客東瀛時爲黎蓴齋  
星使天遣泛星查鯨鏗震東土刻成不脛走裸壤駭章甫  
猶得折左言侏僂發羣瞽鴻編落吾手巨麗緣君覩材薄  
倚吹噓耕孱鞭莽鹵惟憂龍蛇戰誰縻蛟鼉怒火泥觸與  
蠶一笑胖兼殺願君繳青邱指撝迴白羽稍出平生期燁

張

廟謀武劍扶桑雲士女得歌舞安予灌園讀著論發掌  
撫

均父以前夕話舊感懷詩枉示因次韻

何事騎危百尺樓雞豚自足譙春秋高才不恤蓬蒿口世  
議真堪映劍頭尙倚波濤生健筆試盟魚鳥續前游湖邊  
漁父應騰笑萬斛船輸一芥舟

或寄軍諮或隱朝甕蛟相習漫相嘲且披金馬三千牘勿  
學靈龜八九焦水北清名陵石濬市南削迹類宜僚待君  
康濟還初服檉木家山自足燒



臘月十九日自興客廨中西軒移榻東館感觸偶書  
絕句

行腳蓬蓬西復東何殊馬耳射東風杜陵怕作河西尉新

乞

去聲

鷓鴣半畝宮

卻似酸寒老鄭虔廣文官舍尙餘甃不須細校怯盧字探  
取懷中蒼頡篇

烏皮且喜淨無塵衙散狂歌覺有神待喚春婆起塵夢更

浮秋菊禮真

是日蘇文忠公生日

行年甲子不須評四十頭顱半白驚但得資高如葛稚乞  
居句漏學長生

雖乖夙好且隨緣  
喧寂何分吏隱閒  
新受曹溪平等觀  
藤梢橘刺一時刪

逸梧學使蒞節三  
吳途中追述重九  
日崇效寺餞集  
作古詩二章郵示  
屬當歲闌遠垂光  
寵勗竭蕪音次  
韻奉寄

祖筵如昨日葉脫  
霜氣肅疏麻千里  
來寒光映驪日軒  
車乘雲翔勝集疑  
可續公乎千丈松  
久厭几卉縛都講  
五經師校文藜火  
綠聖心瞻南學星  
駕朝命促霜舉奏  
清唳大子振聾俗  
乾嘉流稍湮錢阮  
緒彌篤復閒正始  
音蒼蒼揆逝躅尚  
憐蕭寺別籬巾簪  
野菊晴樓瞰烟嵐  
苔砌倒芳

醉停雲隔江水悵望曠若谷

古心冥秋毫作者森眾列陋予螢燭光況絆世羅拙並世  
還九能李沈鬱時傑俱入公鱸治獨子蹇且劣流光擲人  
去幹涉仗明哲填委滯下曹沈冥違往轍節行慚久頽頑  
硃遲礪切不如謝輟羈去依英蕩節挂席赤岸濤編排青  
玉札簸今滿塵氛綻古抱遺缺

書東廡壁

已是蕭條歲暮心掾寮吏散晝沈沈且欣屋後藏山大黃

榭疏疏似故林

窗外有土山高三  
四尋老樹數株

北阮浮沈步兵酒東皋貪著樂丞閒一官羈絆吾何好二

子風流豈所攀

雙日牙參隻日歸  
蹇驢識路望衡嘶  
不須蓮勺尋張禹  
只欲扁舟覓范蠡

并無雞壘與狶苓  
枳棘危柯甚不庭  
卻羨子真耕谷口  
次公何事獨長醒

一鉢集止此一卷前後卷皆不得蒙此稱埒記

詩續乙終